



---

Tuzla, Franjevačka 36, tel.: +387 35 30 06 00, fax: +387 35 27 53 73, e-mail: info@zzotk.ba

Broj: 01-04-3-12-2/22-HR/DE

Tuzla, 31.05.2022. godine

Na osnovu člana 13. i člana 80. stav (1) tačka 14. Zakona o zdravstvenom osiguranju („Službene novine Federacije BiH“ broj: 30/97, 7/02, 70/08, 48/11 i 36/18) i člana 10. Statuta Zavoda zdravstvenog osiguranja Tuzlanskog kantona Tuzla („Službene novine TK“ broj: 4/16) na V redovnoj sjednici održanoj dana 31.05.2022. godine Upravni odbor donosi

## O D L U K U

### o utvrđivanju iznosa naknade za izdavanje uvjerenja i drugih isprava Zavoda zdravstvenog osiguranja Tuzlanskog kantona

#### Član 1.

Ovom Odlukom se utvrđuje iznos i plaćanje naknade za izdavanje isprava iz nadležnosti Zavoda zdravstvenog osiguranja Tuzlanskog kantona i to:

- a) elektronske zdravstvene legitimacije (u daljem tekstu: e-legitimacija) – izdavanje e-legitimacije radi zamjene, gubitka ili oštećenje iste i
- b) uvjerenja iz službenih evidencija.

#### Član 2.

Visina naknade za izdavanje isprava iz člana 1. ove Odluke iznosi:

- a) 5,00 KM za izdavanje e-legitimacije radi zamjene usljed gubitka ili oštećenja ili promjene podataka na istoj;
- b) 10,00 KM za izdavanje uvjerenja.

#### Član 3.

Obaveza plaćanja naknade za izdavanje isprava nastaje u trenutku predaje zahtjeva za izdavanje isprave, odnosno u trenutku podnošenja podneska, ako za pojedine slučajeve nije propisano drugačije.

Dokaz o uplaćenju naknadi na račun Zavoda, u iznosu utvrđenom u članu 2. ove Odluke, se prilaže uz zahtjev prilikom predaje zahtjeva za izdavanje isprave.

Ukoliko se isprava iz člana 1. stav (1) tačka b) za koju se plaća naknada, na zahtjev stranke izdaje u dva ili više primjeraka za različite svrhe, za drugi i svaki sljedeći primjerak, plaća se propisana naknada.

#### Član 4.

Prihod ostvaren od uplate iz naknada je prihod Zavoda i služi za finansiranje prava iz obaveznog zdravstvenog osiguranja.

Prihodi ostvareni u skladu sa ovom Odlukom vode se i evidentiraju odvojeno od drugih sredstava, a plaćaju se na depozitni račun javnih prihoda Zavoda.

#### Član 5.

Od plaćanja naknade utvrđene u članu 2. stav (1) tačka a) ove Odluke oslobođena su osigurana lica kojima se e-legitimacije izdaje prvi put.

Od plaćanja naknade utvrđene u članu 2. stav (1) tačka b) ove Odluke, oslobođeni su:

- a) organi kantonalne vlasti i javne ustanove;
- b) humanitarne organizacije;
- c) članovi porodice šehida – poginulih boraca, ratni vojni invalidi i nezaposleni demobilisani borci, na osnovu posebne isprave izdate od nadležnih organa;
- d) učenici i studenti za vrijeme redovnog školovanja;
- e) lica koja su stekla status osiguranog lica, te im nije izdata e-legitimacija, a nalaze se na bolničkom liječenju za uvjerenja o pravu na korištenje zdravstvene zaštite na teret sredstava Zavoda;
- f) povratnici za uvjerenja o korištenju prava na primarnu zdravstvenu zaštitu.

Pored kategorija lica koja su oslobođena od plaćanja naknade iz stava (1) ovog člana oslobođena su i:

- a) lica koja rade ili su bila u radnom odnosu u Zavodu za izdavanje uvjerenja iz radnog odnosa;
- b) penzioneri čija penzija ne prelazi iznos minimalne penzije prema posljednjem objavljenom podatku, na osnovu posljednjeg čeka od penzije;
- c) korisnici socijalne zaštite, na osnovu isprave izdate od nadležnog centra za socijalni rad.

#### Član 6.

Direktor Zavoda će u roku od 15 dana od dana donošenja ove Odluke donijet će se uputstvo o postupku izdavanje isprava iz člana 1. stava (1) tačka b) ove Odluke.

#### Član 7.

Ova Odluka stupa na snagu danom donošenja i biće objavljena na web stranici Zavoda.

#### Član 8.

Danom stupanja na snagu ove Odluke, stavlja se van snage Odluka o utvrđivanju cijene usluge i obrade obrazaca za zdravstveno osiguranje po zahtjevu građana, osiguranog lica i obveznika obračuna i uplate doprinosa broj: 01-05-1-37/10 od 02.03.2010. godine.

Dostavljeno:

1. Sektor za zdravstveno osiguranje i informatičku podršku
2. Sektor za pravne poslove
3. Sektor za trezorsko poslovanje
4. a/a

  
**Predsjednik Upravnog odbora**  
  
**Dr. Muhamed Osmanović**